

vnd den iuwern zu willē vñ gefalle bindē werden werē vor zumoßwillig
 Burgermeister vñ rat der stat Costentz Geben zc.
 Ein stat schribt antwurt us burgets/erstreckung eins
 angeetzten endtags mit verwilligen wölle.

Ufa
 Unser fruntlich willig dienst/vñ was wir liebs vñ güts vermügen sien
 ick allezyt bereit voran. Fürsichtigen ersamē wysen besunder güten fründ
 vnd getruwē lieben eydgenossen. Erwer schriben vns gethon sachē halb an
 dresen die strengē zc. iwoer burger die von clag wegen. H. vnser burgers
 durch vnsern allernedigisten herē Römische keiser zc. gen Costentz keta
 ger vnd erfordert sin söllent. vnder andern meldende wie dan die selben
 von Dießbach in dem herzogthum von Sasoy von gemeiner eidgnossen
 geschefen wegen vñ nit by ick syent Deshalb ir Begeerit mit vnserm bur
 ger zuverschaffen die sachen gürtlich an züstellen. vñ nützt darynn zehan
 delen bis die obgemelte von dießbach zü land komend/nach mercklicher
 begryffung iuwers brießs. hand wir verstandē vñ den egenanten halbyßen
 vnsern burger hören lassen. Des antwurt ist daruff das im nit gebüre die
 sachen anzustellen nach vffschlag daran zemache. Dan im durch die rete zü
 costentz. als richter. als wol tag angeetzt vnd verkündt worden sint. als
 iuwern burgern den vō Dießba ch obgenāt. den selben iuwern vñ vnseren
 güten fründen von Costentz iwer lieb schriben lassen. vnd vmb ein vff/
 schlag der sachen werben möchtē. So versehen wir vns die selben von Co
 stentz als richter. die sachē an stellē würdent. vrsachen halb in iuwern bue
 fe gemelt. Dis vnser vnd vnser burgers antwurt wölten in alle gütem
 als sy beschicht bedenckē. Dan on zwyfel wir in allen vns gebürtlichen sa
 chen allezyt gern thün wolten was wir wüßten euch vnd den iuwern lieb
 vnd dienst syn. Geben Petererrot ritter burgermeister vñ ret zü basel.

Als ein stat einer ander stat ir nūwe
 meß oder vormarck verkündt.

Unser zc. Wir schicken zü iwer lieb. N. vnsern geschwornē botten zeiger
 dis brießs. dem wir entpfolē hant iwer ersamkeit zü überanwurtē ein wor
 liche ab geschriß. der fryheiten vñ gnadē so wir von vnserm allernedigste
 herren dem römische keiser zc. kürzlich erworben haben. Besunder zweyer
 iormerckten vñ messen halb yn vnser stat zehalten. Als ir des in der selbē
 abgeschriß clerlich vnderriecht werden mögen. Darumb bitten wir iwer
 lieb mit flyßigem ernst ir wölten die iuwern solich abgeschriß hören. ver
 künden vnd so ver das notturft sin wurde. vffschlafen lassen. Vmb das
 sich die iuwern darnach wissen mögen zürichten. Das begern vor vns
 iwer lieb allezyt getruwelich zü verdienen. Geben.

Wie ein stat iren burger fürdert geltschult halp.

Unser fruntlich willig dienst vñ was wir liebs vñ güts vermögē. syen ick
 allezyt bereit voran fürsichtigen ersamē wysen besunder güten fründ vñ
 getruwen lieben eidgenossen. Also komen zü iwer ersamkeit der erber. N.
 vng. P. sin brüder zeiger dis brießs. sachen halb so sy mit den frawē zü. S.
 zethün. vñ vñ zerichten haben als ir das eigentlicher von ynnen vernemē
 werdent. Darumb bitten vor iwer lieb mit flyßigem ernst ir wölten den